

原序曰：上巳日張元帥令李元帥過船，請作書招諭張少保投拜，遂與之言，我自救父母不得，乃教人背父母可乎！書此詩遺之。李不能強，持詩以達，張但稱好人好詩，竟不能逼。

艱苦遭逢起一經，干戈落落四周星。山河破碎風拋絮，身世飄搖雨打萍。皇恐灘頭說皇恐，零丁洋裏嘆零丁。人生自古誰無死，留取丹心照汗青。①

①汗青，見王庭珪詩注。

言志

九垓化爲魅，億醜俘爲虜。既不能變姓名卒于吳，①又不能髡鉗奴于魯。②遠引不如四皓翁，③高蹈不如仲連父。④冥鴻墮矰繳，長鯨陷網罟。鷓燕上下爭誰何，螻蟻等閑相爾汝。狼藉山河歲云杪，飄零海角春重暮。百年落落生涯盡，萬里遙行役苦。我生不辰逢百罹，求仁得仁尙何語。一死鴻毛或泰山，之輕之重安所處。婦女低頭守巾幗，男兒嚙齒吞刀鋸。殺身慷慨猶易免，取義從容未輕許。仁人

①遠引不如四皓翁，③高蹈不如仲連父。④冥鴻墮矰繳，長鯨陷網罟。鷓燕上下爭誰何，螻蟻等閑相爾汝。狼藉山河歲云杪，飄零海角春重暮。百年落落生涯盡，萬里遙行役苦。我生不辰逢百罹，求仁得仁尙何語。一死鴻毛或泰山，之輕之重安所處。婦女低頭守巾幗，男兒嚙齒吞刀鋸。殺身慷慨猶易免，取義從容未輕許。仁人

罪通天，遺臭至今使人吐。種瓜東門^⑨不可得，暴骨匈奴固其所。平生讀書爲誰事，臨難何憂復何懼。已矣夫！易箆不必如曾參，^⑩結纓^⑪猶當效子路。

①戰國時范雎亡秦，變姓名爲張祿，此不知何指。

②楚項羽將季布，數窘高祖，及羽滅，高祖購之

千金，布潛匿于魯朱家，髡鉗爲奴，後滕公爲解說，得赦。

③商山四皓，漢之隱士，東園公、綺里季、夏

黃公、角里先生也。

④魯仲連，戰國齊人，高蹈不仕，喜爲人排難解紛。游趙，秦圍趙急，魏使辛垣衍

請帝秦，仲連義不許，見衍曰：「彼卽肆然爲帝，連有蹈東海而死耳！」秦軍爲卻。後田單言于齊王，

欲爵之，連逃隱海上以終。

⑤素王，謂孔子也。

⑥閔位，猶言非正統。按漢路溫舒從祖父受歷數

天文，以爲漢當厄三七之間。三七，二百一十也。漢初至哀帝元年，共二百一十年。此以漢喻宋。

⑦

李陵，見前註。

⑧衛律，本胡人，生長于漢，與李延年善。以延年薦，使匈奴，還會延年家被誅，律懼，亡

降匈奴。

⑨種瓜東門，謂邵平。平，秦廣陵人，封東陵侯。秦亡，種瓜長安東門。

⑩易箆，曾參將死，因

寢席之非禮，命曾元等舉扶而易之，反席未安而歿。

⑪結纓，子路負創將死，曰：「君子死，冠不免，」

乃結纓而死。

張元帥謂予國已亡矣殺身以忠誰復書之予謂商非不亡夷齊自不食周

粟人臣自盡其心豈論書與不書張爲改容因成一詩

高人名若渙，烈士死如歸。智滅猶吞炭，①商亡正採薇。豈因徼後福，其肯蹈危機。萬古春秋義，悠悠雙淚揮。

①豫讓，戰國晉人，事智伯。趙襄子滅智伯，讓漆身爲厲，吞炭爲啞，謀刺襄子。爲襄子所獲，求襄子之衣擊之，以致報仇之意，遂自殺。

②伯夷、叔齊，孤竹國君子，隱首陽山。周滅紂，夷齊恥食周粟，采薇而食，遂餓死。

過淮河宿闕石有感

北征垂半年，依依只南土。今辰渡淮河，始覺非故宇。故鄉已無家，三年一羈旅。龍翔在何方，乃我妻子所。昔也無奈何，忽已置念慮。今行日云近，使我淚如雨。我爲綱常謀，有身不得顧。妻兮莫望夫，子兮莫望父。天長與地久，此恨極千古。來生業

神龍蕩失水，馴擾終未得。威鳳雖在藪，肯顧雞鶩食。所以古之人，受變心不易。亳
鼎已遷周，^②西山^③竟肌瘠。豫子^④身自漆，^⑤萇弘^⑤血成碧。何嘗怨興廢，而或二
心跡。堅白不在緇，羔裘良自惜。此義公素明，俗見或未識。

①鄧剡，字中齋，見前。

②亳，商都也。句謂周滅商。

③西山，卽首陽山，謂伯夷叔齊，見前註。

④豫

讓，見前註。

⑤萇弘，周靈王時人。周人殺之，流血成碧，不見其尸。

亂離歌六首

按鐵網珊瑚引信國公遺墨云：「收柳女信，痛割腸胃。人誰無妻兒骨肉之情，但今日事到這裏，于
義當死，乃是命也。奈何！奈何！塗中有三詩，今錄之，言至于此，爲之奈何。兄事只待千二哥至，造物自
有安排。可將此詩呈嫂氏，歸之天命。仍語靚妝瑤英，不會周旋得，毋怨毋怨，徐妳以下，皆可道達吾
此意，當此天翻地亂，人人流落，天數奈何奈何！一可令柳女環女好做人，爹爹管不得，淚下哽咽哽
咽！一此詩本仍可納之千二哥。兄天祥家書達百五賢妹。」

有妻有妻出糟糠，^①自少結髮不下堂。亂離中道逢虎狼，鳳飛翩翩失其凰。將雛

二三出何方，何處國破家又亡。不忍舍君羅襦裳，天長地久遠茫茫，牛女夜夜遙相望。嗚呼一歌兮歌正長，悲風北來起徬徨。

①糟糠貧者之所食。後漢宋弘有「糟糠之妻不下堂」之語。

有妹有妹家流離，良人去後攜諸兒。北風吹沙塞草萋，窮媛慘淡將安歸。去年哭母南海湄，三男一女同歔歔。惟汝不在割我肌，汝家零落母不知，母知豈有瞑目時。嗚呼再歌兮歌孔悲，鵲鴿在原①我何爲。

①詩：「鵲鴿在原，兄弟急難。」此喻家遭亂離，弟妹失散。

有女有女婉清揚，大者學帖臨鍾王，①小者讀字聲琅琅。朔風吹衣白日黃，一雙素壁委道旁。雁兒雁兒秋無梁，隨母此去誰人將。嗚呼三歌兮歌愈傷，非爲兒女淚浪浪。

①鍾王，謂鍾繇王羲之，古書法名家。

沸香似醖，燄隨飛，霍飄沉塗。汝兄①十三騎鯨魚汝今三歲，知在無嗚呼四歌。石
歌以吁，燈前老影明月孤。

①四月八日佛生日，徐陵以是日生，天祥子佛生亦以是日生，故云。 ②謂天祥長子，名道生，早卒。

有妾有妾今何如，大者手將玉蟾蜍，①次者親抱汗血駒，②晨妝靚服③臨西湖，
英英雁蕩飄璫琚。風花亂墜鳥嗚呼，金鏡沆漑浮汗渠。天摧地裂龍虎徂，美人塵
土何代無。嗚呼五歌兮歌鬱紆，爲爾迎風立斯須。

①玉蟾蜍喻女。 ②汗血駒，謂良駒。汗血，言流汗如血。此喻其幼子。 ③公有妾曰靚妝，曰璫英，兩

句寓名。

我生我生何不辰，孤根不識桃李春。天寒日短空愁人，北風吹隨鐵馬塵。初憐骨
肉鍾奇禍，如何骨肉更憐我。汝在空能嬰我懷，我死誰當收我骸。人生百年何醜
好，黃梁①得喪俱草草。嗚呼六歌兮勿復道，出門一笑天地老。

①黃梁，謂黃梁夢。唐廬生于旅舍一夢，數十年得失，及醒，主人炊黃梁尙未熟也。

許遠①

起師哭玄元，②義氣震天地。百戰奮雄姿，嚮妾士揮淚。睢陽水東流，雙廟垂百世。當時令狐潮，③乃為賊游說。

①許遠，見前劉克莊詩註。

②玄元謂老子。老子，唐時稱玄元皇帝。遠起兵時，曾哭玄元廟。

③令

狐潮，安祿山部將。

顏杲卿①

常山義旗奮，范陽哽喉咽。明雛②一狼狽，六飛③入西川。哥舒④降且拜，公舌膏戈鋌。人世誰不死，公死千萬年。

①顏杲卿，字昕之，唐臨沂人。安祿山鎮范陽，表為營田判官，假常山太守。祿山反，以策殺祿山假子

李欽湊，擒賊將高邈送京師。祿山遣人急攻常山，杲卿未及為守計，糧矢盡，城陷，為賊執。杲卿見祿

山罵詈，祿山縛之天津橋柱，節解，以肉啖之，杲卿詈不絕口。賊鈎其舌曰：復能詈否？杲卿含胡而死。

②「明雛」疑當作「胡雛」。

③六飛，喻帝王也。

④哥舒翰，唐人。善戰，破吐蕃有功，為左僕射

余囚北庭，坐一土室，空廣八尺，深可四尋，單扉低小，白閒短窄，汗下而幽暗。當此夏日，諸氣萃然。雨潦四集，浮動床几，時則爲水氣。塗泥半朝，蒸漚歷瀾，時則爲土氣。乍晴暴熱，風道四塞，時則爲日氣。檐陰薪爨，助長炎虐，時則爲火氣。倉腐寄頓，陳陳逼人，時則爲米氣。駢肩雜遝，腥臊汗垢，時則爲人氣。或圍溷浮屍，或腐鼠雜出，時則爲穢氣。疊是數氣，當者鮮不爲厲，而余以孱弱俯仰其間，于茲二年矣。是殆有養致然，然爾亦安知所養何哉？孟子曰：「我善養吾浩然之氣。」彼氣有七，吾氣有一，以一敵七，吾何患焉，況浩然者，乃天地之正氣也。作正氣歌一首。

天地有正氣，雜然賦流形。①下則爲河嶽，上則爲日星。于人曰浩然，沛乎塞蒼冥。皇路當清夷，含和吐明廷。②時窮節乃見，一一垂丹青：③在齊太史簡，④在晉董狐筆，⑤在秦張良椎，⑥在漢蘇武節；⑦爲嚴將軍頭，⑧爲嵇侍中血，⑨爲張睢陽齒，⑩爲顏常山舌。⑪或爲遼東帽，⑫清操厲冰雪。或爲出師表，⑬鬼神泣壯烈。或爲渡江楫，⑭慷慨吞胡羯。或爲擊賊笏，⑮逆豎頭破裂。是氣所磅礴，凜烈萬古存。當其貫日月，生死何足論。地維賴以立，天柱⑯賴以尊。三綱⑰實繫命，道義爲之

根。嗟余邁陽九，^①隸也實不力。楚囚^②纓其冠，傳車^③送窮北。鼎鑊甘如飴，求之不可得。陰房闐鬼火，春院闕天黑。牛驥同一皁，雞栖鳳凰食。一朝蒙霧露，分作溝中瘠。^④如此再寒暑，百沴^⑤自辟易。哀哉沮洳場，爲我安樂國。豈有他謬巧，陰陽不能賊。顧此耿耿在，仰視浮雲白。悠悠我心憂，蒼天曷有極！哲人^⑥日已遠，典刑在夙昔。風簷展書讀，古道照顏色。

①二句謂浩然正氣充塞天地之間。 ②二句謂清平之世，賢臣效忠于朝廷。 ③丹青，圖畫也。謂

世窮乃見氣節，正氣立身者，得圖像傳于後世。 ④春秋時崔杼弑齊君，太史直書之，杼殺太史。

⑤春秋時，晉趙盾弑君，太史董狐直書之。 ⑥張良，字子房，家五世相韓，謀爲韓報仇，擊始皇于博

浪沙，誤中副車。 ⑦蘇武見前周泊詩註。 ⑧漢末，劉璋使嚴顏守巴郡，爲張飛所擒，飛欲其降，顏

曰：「我州但有斷頭將軍，無降將軍。」飛怒，令牽去砍頭，顏色不變，飛壯而釋之，引爲賓客。 ⑨嵇

紹，字延祖，晉銓人。永興初，河間王反，紹從帝戰，侍衛皆潰，惟紹以身捍衛，遂被害于帝側，血濺御衣。

事定，左右欲浣衣，帝曰：「此嵇侍中血，勿浣。」 ⑩張巡，守睢陽，城陷被執，賊帥詢以每接戰時何

人，巡曰：「臣死且不避，視死如歸，死且不避，視死如歸！」遂被殺。 ⑪顏常山，見前顏杲卿詩註。 ⑫管甯，字幼安，三

蜀相諸葛亮，出師伐魏，臨行上出師表。
④渡江擊楫，祖逖事。逖，晉范陽人，字士雅，爲豫州刺史，

渡江擊楫，誓曰：「不清中原而復濟者，有如此江！」部兵與石勒相持，黃河以南，盡爲晉土。卒之日，

豫州士女，如喪父母。
⑤段秀實，字成公，唐泝陽人。德宗時，朱泚反，召秀實計事，秀實奪象笏擊泚，

唾其面大罵，笏中泚頰，流血被面，秀實遂遇害。
⑥地維、天柱，喻辭，謂天地賴正氣以不傾墜。
⑦

三綱，謂君爲臣綱，父爲子綱，夫爲妻綱也。孟子以浩然之氣配道義，故此以道義爲浩氣之根本。

⑧陽九，奇數也，爲陽數之窮。古人以陽九爲厄會。
⑨楚囚，見前宇文虛中詩「南冠」條註。
⑩

傳車，猶言驛車，謂乘傳車以赴燕也。
⑪句謂自分當作溝中之瘠，死不得歸也。
⑫診，害也，惡也。

句謂百害退避。
⑬哲人謂上述諸人，典型，指上述十二事可爲後世模楷者。

去年十月九日余至燕城今周星不報爲賦長句

君不見常山太守①罵羯奴，天津橋②上舌盡劄。又不見睢陽將軍③怒切齒，二

十六人同日死。去冬長至前一日，朔庭呼我弗爲屈。丈夫開口卽見膽，意謂死生

在頃刻。赭衣④冉冉生蒼苔，書雲時節忽復來。鬼影青燈照孤坐，夢啼死血丹心

破。只今便作渭水囚，食粟已是西山羞。悔不當年跳東海，空有魯連心獨在。^⑤

①常山太守謂顏杲卿，見前註。

②天津橋，杲卿死處，見前詩註。

③睢陽將軍謂張巡，見前滕茂

實詩註。

④赭衣，囚衣也。

⑤末二句用魯仲連卻秦軍事。

出獄時臨刑詩按趙弼效顰集載臨刑詩三首，不知真偽，今錄其一。

衣冠七載混氈裘，憔悴形容似楚囚。龍馭兩宮崖嶺月，貔貅萬灶海門秋。①天荒地老英雄喪，國破家亡事業休。惟有一腔忠烈氣，碧空長共暮雲愁。

①句謂厓山之敗帝昺與后同死于海。

何夢桂

夢桂，字巖叟，淳安人。咸淳乙丑登第，授台州軍事判官，旋引疾去。元初累徵不起，築室著書，自號潛齋。有潛齋集。

挽太學正節先生徐應鑣①

國破君亡一死宜，絕憐兒女死如飴。龍池②竟負媧皇誓，蛙坎③空遺烈士悲。洗骨不污唐六館④，瀝心無愧趙孤兒⑤。北行多少生還客，休向梯雲⑥讀墓碑。

①徐應鑣，字巨翁，宋江山人。咸淳末試補太學生，宋亡，三學生皆從入燕，應鑣誓不降，作文祭岳飛祠，長子琦亦賦詩自誓畢，並幼子崧，女元娘，縱火自焚，諸僕驚救撲滅，父子怏怏出。次日卒同投井死。同舍生哀之，私諡曰正節先生。②龍池，喻所投死之水。言本冀其效力王室，今乃投水而死，故曰負。③蛙坎，亦喻池水。④六館，唐代處士子之館。⑤趙孤兒，謂趙朔子武，見程嬰杵臼條註。⑥梯雲，當是應鑣葬處地名。

林景熙

景熙，字德陽，號霽山，宋温州平陽人。咸淳辛未，太學釋褐，授泉州教官，歷禮部架閣，轉從政郎。宋亡不仕，客居會稽王英孫家，會楊璉真伽發宋陵，英孫使客收其棄骨，熙得高孝兩函，與唐珏所收者，葬於蘭亭，樹冬青以識。庚戌卒於家，年六十九，所居在白石巷，詩曰白石樵唱，大概悽愴故舊之作，與謝翱相表裏。

題陸放翁^①詩卷後

天寶詩人詩有史，杜鵑^②再拜淚如水。龜堂^③一老旗鼓雄，勁氣往往摩其壘。輕裘駿馬成都花，^④冰甌雪碗建溪茶，承平麾節半海寓，歸來鏡曲^⑤盟鷗沙。詩墨淋漓不負酒，但恨未飲月氏首。牀頭孤劍空有聲，坐看中原落人手。青山一髮愁濛濛，干戈已滿天南東。來孫卻見九州同，家祭如何告乃翁！^⑥

^①陸游，見前。

^②杜鵑，以喻帝王。杜甫有杜鵑詩云：『我見常再拜，重是古帝魂。』古詩蜀有帝，名

陸游，見前。

^④陸游曾官蜀閬，詳見前。

^⑤鏡曲，謂鏡

夢中作四首原注云：元兵破宋，河西僧楊勝吉祥，行軍有功，因得於杭置江淮諸路釋教都總統，所以管轄諸路僧人，時號楊總統，盡發越上宋諸帝山陵，取其骨渡浙江，築塔於宋內朝舊址，其餘骸骨棄草莽中，人莫敢收。適先生與同舍生鄭樸翁等數人在越上，痛憤，乃不能已，遂相率爲采藥者，至陵上以草囊拾而收之。又聞理宗顱骨爲北軍投湖水中，因以錢購漁者求之，幸一網而得，乃盛二函，託言佛經，葬於越山，且種冬青樹識之。會元時作詩，不敢明言其事，但以夢中作爲題，下篇冬青花，亦此意也。

珠亡忽震蛟龍睡，軒敞寧忘犬馬情。親拾寒瓊出幽草，四山風雨鬼神驚。①

①詩言諸陵被發，舊臣不能忘情，故爲拾骨改瘞。

一杯自築珠丘①，土雙匣②，猶傳竺國經。獨有春風知此意，年年杜宇泣冬青。③

①舜葬蒼梧，有鳥銜青砂珠，積成壟，名曰珠丘。

②雙匣猶二函，見題注。

③冬青，見下詩題注。

昭陵玉匣走天涯，金粟①堆前幾莫鴉。水到蘭亭轉嗚咽，不知真帖落誰家。

①金粟山，唐明皇葬處，此喻帝陵。

珠鳧玉鴈又成埃，斑竹臨江首重回。猶憶年時寒食祭，天家一騎捧香來。

冬青花 冬青一名女貞木，又名萬年枝，漢宮嘗植此，後世因之，宋諸陵亦多植此木。

冬青花，花時一日腸九折，隔江風雨清影空。①五月深山護微雪。②石根雲氣龍所藏，尋常螻蟻不敢穴。③移來此種非人間，曾識萬年觴底月。蜀魂④飛遶百鳥臣，夜半一聲山竹裂。⑤

①原注：句謂冬青之在宮中者。 ②原注：此言在紹興陵上者，冬青開于五月，其色白而微黃。 ③

原注：謂天子所葬之處，尋常臣民，不得而雜處也。 ④蜀魂謂杜鵑，古傳蜀帝所化，故名。 ⑤杜甫

詩：『子規夜啼山竹裂，』子規，即杜鵑也。

聞家則堂①大參歸自北寄呈

濱死孤臣雪滿顛，冰氈嚙盡偶生全。②衣冠萬里風塵老，名節千秋日月懸。清淚秋荒遼海鶴，③古魂春冷蜀山鵑。④歸來親舊驚相問，禾黍離離夕照邊。

奉命為祈請使，詣燕，聞

武居海上牧羊，以節毛和雪吞食，得不死。③句用丁令威化鶴故事。④句用蜀帝化杜鵑故事。

端午次韻懷古或疑屈原曹娥死非正命是未知殺身成仁者也併為發之
葵榴入眼明，得酒慰衰齒。胡為浪自悲，懷古淚紛委。湘江沈忠臣，①越江沈孝子。
②沈骨不沈名，清風兩江水。或云非正命，是昧舍生理。歸全豈膚髮，所懼本心毀。
哭父天為驚，憂君國將燬。于焉偷吾生，何以立戴履。修短在百年，芳穢垂千紀。之
人死猶生，滔滔真死矣。

①屈原，名平，戰國楚人。仕楚為三閭大夫，襄王信讒，謫原江南，原作漁父諸篇以見志，自沈汨羅江
死。②曹娥，東漢孝女，上虞人。父溺死于江，不得屍，娥年十四，沿江號哭，晝夜不絕聲，旬有七日，投
江而死。

讀文山集

黑風夜撼天柱折，萬里飛塵九溟竭。誰欲扶之兩腕絕，英淚浪浪滿襟血。龍庭①
戈鋌爛如雪，孤臣生死早已決。綱常萬古懸日月，百年身世輕一髮。苦寒尙握蘇

武^②節，垂盡猶存杲卿^③。舌，膝不可下頭可截，白日不照吾忠切，哀鴻上訴天欲裂，一編千載虹光發。書生倚劍歌激烈，萬壑秋聲助幽咽。世間淚洒兒女別，大丈夫心一寸鐵！

①龍庭，見前劉子翬詩注。

②蘇武，見周泊詩注。

③杲卿，見文天祥詩注。

雜詠酬汪鎮卿^①

垂垂大廈顛，一木支無力。精衛^②悲滄溟，銅駝化荆棘。③英風傲几礎，濱死猶鐵脊。血染沙場秋，寒日亦為碧！惟留吟嘯篇，④千載光奕奕。

①汪鎮卿，名鼎，號桐陽，宋末平陽人。此詩咏文天祥事。

②精衛，鳥名，常銜木石以填東海。

③銅

駝荆棘，謂銅駝荒沒于荆棘之中。本索靖語，以喻世亂。

④吟嘯集，天祥詩集之一。

太學同舍徐應鑣^①誓義沈井後十年衆為營墓立碑私謚正節先生

高名不與魄俱沈，魚腹孤忠耿至今。翠碣已書身後謚，寒泉猶照死時心。神游舊

雜咏

權臣坐偃月，^①棄官如飄蓬。及茲顛沛秋，翻然挺孤忠。一死^②未得所，罔羅挂飛鴻。渡淮已不食，蛻槁夷齊^③風。何人續遷史^④，表為節義雄。

^①此咏謝枋得詩。權臣謂賈似道，枋得對策詆時政，諷似道，貶居興國軍。偃月，李林甫為相時所起

堂名。每欲有所中傷，即坐其中，沈思久之，若笑而出，即其家破矣。^②時枋得欲死節，或勸之曰：

『死且未晚，』乃止，餘詳枋得仕履。罔羅句，謂被迫入燕。^③夷齊見前注。^④遷史謂司馬遷史

記。史記列傳以伯夷為首，重節義也。

拜岳王墓^①

寥落一杯土，英雄萬古冤。孤忠懸日月，遺恨寄中原。樹老殘霞澹，塵深斷碣昏。東南天半壁，往事泣寒猿。

^①謂岳飛墓，在杭州棲霞嶺山麓。

謝 翱

翱，字臯羽，慕屈平託遠游，乃號晞髮子。宋福建長溪人。文丞相開府延平，翱以布衣諮議參軍，天祥卒，亡匿，所至輒感哭，挾酒登子陵釣臺，設天祥主亭隅，再拜號哭，以竹如意擊石歌曰：『魂朝往兮何極，暮歸來兮江水黑，化爲朱鳥兮，有味焉食。』歌畢，竹石俱碎。有晞髮集。

冬青樹引別玉潛①

冬青樹，山南陲，九日靈禽居上枝。②知君種年星在尾，③根到九泉護龍髓。恒星畫隕夜不見，④七度山南與鬼戰。⑤願君此心無所移，此樹終有開花時。山南金粟見離離，白衣⑥人拜樹下起，靈禽啄粟枝上飛。

①玉潛，義士唐珏字。

②九日者，陽谷上有扶木，九日居上枝，一日居下枝。靈禽，鳥也，鳥，陽精也，精

爲魂。今九日居上枝者，魂升其上也，日者，君之象也。（按此引張丁原注）③星在尾者，歲在寅

也。④句喻宋亡。

⑤未詳。

⑥白衣，蓋作者自謂也。

處堪揮淚，吾今變姓名。

梁棟

棟，字隆吉，宋湘州人，後遷鎮江。咸淳進士，選寶應簿，調錢唐仁和尉。宋亡不仕，依弟入茅山從老氏學。有隆吉詩。

哀毘陵①

荆溪②水腥泊船早，落日無人行古道。髑髏有眼不識春，春風吹出青青草。荒基猶認是人家，敗柵曾將當城堡。當時壓境兵百萬，不脫鞞尖堪踢倒。短兵相接逾四旬，毒手尊拳日攻討。內儲外援兩消沈，一縷人心堅自保。孤臣守土輕性命，赤子效死塗肝腦。朝廷有爵媿降附，幽壤無恩澤枯槁。願箋司命錄英雄，收拾忠魂畀蒼昊。

①毘陵，亦稱常州，今江蘇武進。德祐元年，元兵攻常，城破，知州事姚嵩、統制王安節等死之。②荆溪，水名，在江蘇，以近荆南山得名，上承永陽江，下注太湖。

李謹思

謹思，字明道，號養吾，宋餘干人。咸淳中試禮部釋褐，入元卒。

題文丞相吟嘯集

南人不識兩膝貴，曲摺百態卑且勞。斯人護膝不護頭，故以頸血霑君刀。蟠胸孤憤擘不碎，殺氣千丈纏旌旄。援桴親鼓盡南海，背水更用蜚丁^①鑿。俘來吮血語神語，咄咄向與天爭豪。須臾赤日減顏色，元雲莽莽風颼颼。或言巨靈^②收拾付真宰，讀罷拊臆生長號。又言豐隆^③列缺對愁絕，疾指玉鞭鞭六鼇。雨瓢倒翻水怪舞，斗樞橫軋天籟號。憐伊肝膽苦復苦，亦見曩昔真離騷。刮灰滿地莫掛眼，蓬萊雖遠容輕舠。長驅癘鬼尙堪戰，儘閑未許飛仙遨。乃言興廢在爾不吾與，吾死吾主吾焉逃。魯叟^④聞言拍手笑，斯人六經爲骨爲皮毛。斯人捲取六經去，空將質本傳兒曹。

① 蝥丁，蝥戶之丁，南蠻之一種，居閩粵沿海水上。文天祥用之抗金。
 ② 巨靈，河神也。
 ③ 豐隆，雷師也。列缺，謂電也。
 ④ 魯叟，謂孔子。

贈李節婦

郭天錫詩文雜記：謝疊山妻李節婦，以君直故與二子繫金陵獄，一將官欲納之，李給曰：爾能脫我械繫，乃可議此。將以為然，禱上下釋其獄。李即具湯沐，約翼日出。是夕，伺二子熟寐，解衣帶自經死。藁葬城東壕。二子放還後數年，子定之復往裹骨歸葬，養吾李先生詩云云。

猝猝多羝屈，幽幽獨雉經。
 ① 借渠施粉黛，聊與照丹青。
 ② 孤樁
 ③ 何年寄重泉底處
 肩？有人能縮地，不隔短長亭。

① 首句謂時人多降元，二句謂李節婦獨能自經盡節。
 ② 孤樁，猶言孤松。

張 琰

琰，字汝玉，宋廣陵人。長身多髯，有節概。補州牙兵，隨制置李庭芝潰圍，南赴行在，所追者及之，麾下鳥獸散，琰獨戰死。

出塞曲

腰間插雄劍，中夜龍虎吼。平明登前途，萬里不回首。男兒當野死，豈爲印如斗。忠誠表壯節，燦爛千古後。

朝發山陽去，暮宿清水頭。上馬左右射，捷下如獼猴。先發服勇決，手提血髑髏。兵家互勝負，凡百慎前籌。谷音集

黃誠性

仕履不詳。

挽文丞相

三百餘年樂育恩，晚從科目得斯人。崎嶇嶺海期年國，零落氈毛萬死身。①諸葛
 ②未亡猶有漢，包胥③欲泣更無秦。挑燈慷慨歌梁父，④鬢髮蕭森懾鬼神。吳禮

部詩話

①句以蘇武喻文天祥。

②諸葛謂諸葛亮。

③包胥謂申包胥。春秋楚大夫，吳伐楚，入郢，包胥哭

秦廷七日，乞師復國。

④梁父謂梁父吟，諸葛亮好為梁父吟。

剡，字光薦，號中齋，宋廬陵人。祥興時歷官禮部侍郎，丞相文信公客也。厓山兵潰，為張宏範所得，教其次子，得放還。有中齋集。

挽文信公詩

憶公淚懸河，九地無處瀉。想公騎赤龍，^①請命蒼梧^②野。世人醉生死，翻笑獨醒者。焉知千載英，精爽皎不夜。義士無廢興，時運有代謝。念昔喪亂初，公騎使君馬。奮袂起勤王，^③慷慨淚盈把。須臾三萬眾，如自九天下。燈棋書檄交，笑語雜悲咤。捧土障洪河，一繩維大廈。至哉朝宗性，百折終不舍。身北冠自南，血碧^④心肯化！
顏鈞凜忠勁，^⑤杜詩蔚騷雅。^⑥晉陽骨肉冤，東市刀兵解。精誠揭天日，氣魄動夷夏。丈夫如此何，一死尤足怕。田橫^⑦老賓客，白髮餘息假。有時夢岩電，^⑧意悟當飄灑。非無中丞傳，^⑨殺青自誰寫。魂歸哀江南，千秋俎鄉社。吳禮部詩話

- ①騎龍，喻死。 ②蒼梧，地名，帝舜崩處。 ③勤王，謂以兵援救王室。 ④血碧，萇弘故事，見前注。
- ⑤句謂天祥善書，如顏真卿之有勁氣。 ⑥句謂天祥工詩，如杜甫之賅薄騷雅，又天祥有集杜詩。
- ⑦田橫，見前注。此鄧剡自喻。 ⑧岩電，目也。 ⑨唐韓愈爲張巡作中丞傳。此喻鄧剡欲爲文山作傳。

韓性同

性同，字伯循，別號古遺，與陳石堂同里而及其門，入元不仕。

岳王墓

妖星墮地芒角赤，龍劍悲號風蕭瑟。中原王氣挽不回，將軍一死如毛擲。秦家小兒真戲劇，^①播弄造化搖樞極。指讎爲親忠且逆，隻手上遮天眼碧。^②九重茫茫隔天日，無由下燭臣愚直。臣愚萬死不足惜，國恥未湔猶憤激。古墳埋冤血空瀝，風雨年年土花蝕。我恐精忠埋不得，白日英魂土中泣；請將衰骨斲蒼苔，獻作吾皇補天石。曹氏歷代詩選

①句謂秦檜。

②句謂秦檜蒙蔽朝廷。

謝枋得

枋得，字君直，號疊山，宋弋陽人。寶祐進士，為人豪爽，以忠義自任。應建康試，語侵賈似道，謫居興國軍。德祐初以江東提刑知信州，元兵至，信州不守，乃變姓名入建寧山中，日麻衣躡履，東鄉哭。已而賣卜建陽市，取米屨以自給。宋亡居閩中，留夢炎薦之不起，遺書曰：『吾年六十餘，所欠一死，豈有他哉！』福建參政魏天佑強之北行，至燕遂不食死。年六十四，門人私諡文節，有疊山集。

初到建寧賦詩一首

魏參政①執拘投北，行有期，死有日，詩別妻子良友良朋。

雪中松柏愈青青，扶植綱常在此行。天下久無龔勝②，
 潔，人間何獨伯夷③。清義高便覺生堪捨，
 禮重方知死甚輕。南八④男兒終不屈，
 皇天上帝眼分明。

①魏天祐，字吉甫，元益都人。官至福建行省參政，以貪罷。

②龔勝，字君賓，漢彭城人。哀帝時官光

祿大夫，出守渤海，病免。後復徵為光祿大夫，王莽秉政，乞歸葬，遣使徵之，勝因敕門人為棺斂喪事，

音是，迄下夏月丁亥，讀十四日死。

③伯夷，見前文天祥詩注。

④南八謂霽雲，唐頓丘人。安祿

明無出師意，又欲留霽雲，爲大饗，霽雲泣曰：『睢陽將士不食月餘日矣，義不忍獨食！』因拔刀斷一指，一座大驚。將出城，抽矢射浮圖，曰：『吾歸破賊，必滅賀蘭。』復奪圍入，城陷被執，賊欲降之，巡呼曰：『南八！男兒死耳，不可爲不義屈！』霽雲笑曰：『欲將以有爲也，公有言，敢不死。』遂死之。

辭洞齋華甫二劉兄惠寒衣

離羅內阱，何損麒麟？反君事讎，忍爲狗彘！凡勸吾入燕吐胸中不平而後死者，皆非忠于謀人者也。『南八，男兒死爾，不可爲不義屈。』豈敢曰『將以有爲』乎？平生學問，到此時要見分明。辱惠寒衣，義不當受，大顛果聰明識道理，胸中無滯礙，何必受昌黎先生衣服爲別耶！小詩寫心，謾發一笑。平生愛讀龔勝，傳進退存亡斷得明。范叔，綈袍雖見意，大顛，衣服莫留行。此時要看英雄樣，好漢應無兒女情。只願諸賢扶世教，餓夫含笑死猶生。

①龔勝，見前注。

②范叔謂范雎。雎，戰國魏人，須賈譖雎于魏齊，笞辱雎，雎亡之秦，更姓名曰張祿，

仕秦爲相。須賈使秦，雎微行見之，賈曰：『范叔一寒如此哉！』取一綈袍贈之，及知雎爲秦相，大驚

謝罪。雎曰：『以綈袍戀戀，有故人之意，故釋公。』

③大顛，唐僧，姓楊氏，初居羅浮山，後歸潮陽靈

之匿山中，嬰出告所匿處，攻而殺之。嬰乃抱趙氏真孤，匿山中居。後韓厥言于景公，立爲趙氏後，是爲趙武，遂攻屠岸賈滅之。武既冠，嬰曰：『今宜下報宣孟。』杵臼遂自殺。②秦甥，謂呂飴甥，周晉人。惠公時爲大夫，會秦穆公伐晉，執惠公，飴甥會秦伯盟于王城，遂奉惠公以歸。③句用豫讓故事，見前注。

魏天應

天應，號梅墅，宋建安人。鄉貢進士，受業於謝枋得。

疊翁老師將有行賦詩言別綱常九鼎死生一毛慷慨激烈高風凜然真可
以廉頑立懦天應足患痼疾莫能往餞回視后山之送彼翁為有媿矣斐
然拜和未知能徹師聽否臨風淒斷

萬疊青山只麼青，從容時止又時行。斯文未喪予何畏，舉世隨流我斷清。日月精
忠今古在，丘山道義死生輕。吾翁鐵脊文翁一侶，無愧淵明與孔明。

①文翁謂文天祥。

②淵明謂陶潛，孔明謂諸葛亮。一守節，一效忠。

先生心事炳丹青，顧影何曾愧獨行。①商嶺②芝能如橘隱，首陽粟不似薇清。綱
常正要身扶植，出處端為世重輕。安得寒泉③來會宿，參同極論到天明。

①宋儒蔡元定有獨行不愧影，獨寢不愧衾之語。

②商嶺，猶商山也。四皓隱居之處。四皓為東園

公、綺里季、高黃公、角里先生，均漢初隱士。

③寒泉謂寒泉林，在今福建建陽，朱子葬母于此，築舍

正孫，字粹然，自號蒙齋野逸，謝枋得門人。

疊翁老師因行賦詩讀其辭而見其心天地鬼神昭布森列不可誣也爲之
感慨激烈正孫辱在師門弟子之職敢不拜一語以激揚先生之義氣用
韻斐然

山色愁予渺渺青，平生心事杜鵑行。霜饕雪虐天終定，歲晚江空水自清。肩上綱
常千古重，眼前榮辱一毫輕。離明坤順文箕事，^①此是先生素講明。

①離明坤順，猶言地火明夷。文謂文王，箕謂箕子，見易明夷卦。句欲疊山勿屈節也。

王濟淵

濟淵，字道可，疊山門人。

送疊山先生北行

希夷^①何事出山中，心事當年漢臥龍。^②行止但憑天作主，別離初不淚沾胸。定知晚菊能存節，未必寒松肯受封。^③大義昭明千載事，前程儘更好從容。

①希夷，謂陳搏，搏，宋初賜號希夷先生。

②漢臥龍謂諸葛亮。

③秦始皇登泰山封松樹爲五大

夫，此喻疊山不至屈節降元。

張子惠

子惠，字叔仁，疊山門人。

送疊山先生北行

打硬修行三十年，如今證驗做儒仙。人皆屈膝甘爲下，公獨高聲罵向前。此去好憑三寸舌，再來不直一文錢。到頭畢竟全清節，留取芳名萬古傳。

王奕

奕，字伯敬，宋玉山人。官本州教授，自號玉斗山人，有東行斐稿。

送謝疊山先生北行

皇天久矣眼垂青，盼盼先生此一行。遺表不隨諸葛死，離騷長伴屈原清。兩生^①無補秦興廢，一出^②仍關魯重輕。白骨青山如得所，何須兒女哭清明。西江詩話

①兩生，謂魯兩生。漢既定天下，令叔孫通定朝儀，通欲召魯諸生共定之。諸生中有兩生不肯行。

②全上。

洪咨夔

咨夔，字舜俞，宋於潛人。有平齋文集。

挽疊山先生

千古精忠日月光，恨無麟筆①寫堂堂。還家恥作梁江總，②辟穀誰知韓子房。③
後死十年應有待，輕生萬里故非狂。有兒可拾江邊骨，須信人亡道不亡。疊山集附

①麟筆，猶言春秋之筆。

②江總，字總持，梁考城人。仕梁為太子舍人，入陳為太子詹事，與後主荒

宴，隋初復拜上開府。

③子房，謂張良，良相漢封留侯，晚好黃老，學神仙辟穀之術，以功名終。

汪元量

元量，字大有，號水雲，宋錢唐人。以善琴事謝后王昭儀，宋亡，隨三宮留燕，後為黃冠南歸，往來匡廬彭蠡間，世莫測其去留。詩多紀國亡北徙事，與文丞相獄中倡和作，周詳惻愴，人謂之詩史。有湖山類稿、水雲集。

遺民錄：往時讀泣血錄，為之淚下。一日水雲出其類稿，紀其亡國之戚，去國之苦，艱關愁嘆之狀，備見于詩，微而顯，隱而彰，哀而不怨，歛歛而悲，甚于痛哭，豈泣血錄所可並也。唐之事紀于草堂，後人以詩史目之，水雲之詩，亦宋亡之詩史也。敬賦二十字，書綴卷後云：『天地事如許，英雄鬢已斑，淚添東海水，愁壓北邙山。』鶴田李珣識。

錢唐歌 一本題作送琴師毛敏仲北行

西塞山邊日落處，北關門外雨來天，南人墮淚北人笑，臣甫低頭拜杜鵑。

①元兵由北門入杭。 ②句用杜甫杜鵑詩意，見前注。

北師駐皋亭山

殘香工二雨，切乞，風人端門車車發。萬馬亂嘶臨警蹕，三宮垂淚濕鈴鸞！童兒賸

道遠後福。○厲鬼終當滅，賀蘭。○若說和親能活國。○嬋娟應是嫁呼韓。

○時楊駙馬送二王出奔，由浙入閩。句當指元兵追二王事。○賀蘭謂賀蘭進明，見謝枋得詩

「南八」條注。按厲鬼本張巡語，此蓋合用也。○時元人索宮女。

文山道人事畢 一本作挽文丞相

匡山○擒得到燕山，此老從容就義難。生愧夷齊○，尙周粟，死同巡遠○，只唐官。
雪平絕塞人何在，月滿通衢骨未寒！一劍故知公所欠，要留青史與人看。

○匡山，在今廣東新會縣南大海中，宋末陸秀夫抱帝昺于此赴海死。文山本在五坡嶺被執，北行道經匡山。○夷齊，即伯夷叔齊，見前文天祥詩注。○巡遠，謂張巡許遠，見前注。

浮丘道人招魂歌

有客有客浮丘翁，○一生能事今日終。嚙氈雪窖身不容，○寸心耿耿摩蒼空。睢陽○，臨難氣塞充，大呼南八男兒忠。我公就義何從容，名垂竹帛生英雄。嗚呼！一歌兮歌無窮，魂招不來何所從。